



Mayor's Office of
Immigrant Affairs



Li nga wara def sudee danga am mbokk wala xarit bu Alkaati yi yore wàllu doxandeem ak duwaañ (ICE) jàpp

Laaj yiy faral di ñëw

Mën nga am lu la wóor ci ni dañu jàpp sa xarit wala kenn ci sa waa-kër ci boo jëfandikoo jomtukaayu seet bu waa ñiy yéngu ci wàllu ICE ci enternet ci: locator.ice.gov

Ngir jëfandikoo jomtukaayu seet bi, dinga soxla xam ci sa xarit bi wala sa waa-kër:

- Dëkk bi mu juddoo AK “número A” **WALA**
- Dëkk bi mu juddoo, tur bi, sant bi, ak bés sub judd bi. (Bàyyil xel ni: tur bi warna nekk ci mbind mu leer)



XELAL: Ab “número A” mooy número ràññeewukaay bu am juroom ñett wala juroom ñeent araf ñu koy fekk ci kayitu doxandeem yu bari. Dafay topp ci arafu A. Mën nañu ko fekk itam ci lam bi ñuy takkal nit buñu ko jàppee. Ci misaal: A 000-000-000

Soo amulee número A, laajal sa xarit wala sa waa-kër boo déggantee ak ñoom.



1-800-354-0365

Dale ko Altine ba Àjjuma, juróom ñeent waxtu ci suba ba juróom benn waxtu ci ngoon

Firi làkk jàppandina ci làkk wi nga taamu.

Ngir am ci sutura ay ndimbal ci wàllu yoon te doo fey dara, doxandeem yi nekk New York mën nañu woote ci buumu jokkoo bu Biro Meeri buy taxawu Mbiri Doxandeem (Mayor's Office of Immigrant Affairs, MOIA) buy taxawu doxandeem yi ci wàllu yoon.



Wooteel ci 311

Waxal "Immigration" (Doxandeem)

Firi làkk jàppandina



Yoon yi aju ci mbiru doxandeem lu jafe la. Moytul ñiy naxaate ci wàllu yoon yi aju ci mbiri doxandeem yi wala defkatu njuuc-njaac yi la mēna nax.

Bàyyi ci xel: Noteer buy ligeeyee ci nguur gi bu nekkul awokaa bu am ndigal mēnu la bindal sa kayiti doxandeem wala mu jebbal ko ci sa tur. Mēnu ñu la tamit xelal ci wàllu yoon.

**Waa ICE/
Doxandeem ñoo
jàpp sama xarit
wala kenn ci sama
waa-kër. Naka laa
leen di gisee?**



Bu dee waa ICE/Doxandeem dañoo jàpp sa xarit wala sa kenn ci sa waa-kër ci biir wala ci li wë New York City, di na ñu ko yobbu ci ab biro ICE ci Manhattan. Loolu dina def Yenn saay benn bés. Ginnaaw loolu, ñu yobbu leen ci barab bu ñu leen di téyee. Yenn saay, barabu téye bi dina nekk ci New York wala New Jersey. Yenn saay mën nañu deñc nit ñi ci barabu téyekaayu doxandeem ci yeneeni dëkk. Barabi téyekaay yi mën nañu nekk ci ab kaso wala ci ab kër bu aju ci nguur Réew yu Booloo yu Amerig.

Jàpp

**Doxalin bi ci
ab biro ICE**

**Toxal ci barabu
téyekaayu ICE**

**Ndax wóor na
may seeti sama
xarit wala sama
waa-kër? Naka
laa leen mën a
gisee ak yonnee
leen xaalis?**





Ñu bàyyi ci xel: Bu fekkee ni da ngaa ragal sa mbiri bopp wala sa tolluwaayu doxandeem indil la ay jafe-jafe ci booy seeti sa mbokk wala sa waa-kër, *da nga wara wut ab awokaa.*

Laata ngay seeti nit:



Gëstul bepp sàkkuteef bu barabu téyekaay bi di laaj ngir ràññee nit ki ak ndax dañuy sàkku ñu gëstu jaar-jaari nit ki.



Soo béggee xam seeni leeral demal ci: www.ice.gov/detention-facilities. Mën nga soxla woo barabu téyekaay bi ngir dëggal xibaar bi.



War na ñu la bind ci limu nit ñi wara seetsi sa xarit wala sa waa-kër te di nga leen mëna seet ci yenn bés yi ak waxtu yi barab bi jàpp.

**Naka la sama
xarit wala sama
waa-kër mën
na amee ab
awokaa?**





Nguuru Réew yu booloo yu Amerig du jox awokaa doxandeem yi ñuy waaja delloo seen réew.



Sa xarit wala sa waa-kër mën nañu leen jox awokaa jaare ko ci Porose biy boole njabooti doxandeem yi ci New York (New York Immigrant Family Unity Project, NYIFUP).



Porose biy boole njabooti doxandeem yi ab porogaraamu New york la buy **jox ay awokaa yu xereñ ci lu amul fey waa New York yi waa ICE/Doxandeem jàpp te ñu war leen àtte ci këru àttekaayu doxandeem yi.**

Demal ci xët bi ci topp ngir xam lu gëna yaatu ci porogaraam bi.



NYIFUP dina jox ñi ñu jël ab awokaa bu amul fey. Ngir ñu jël nit ki **fàwwu mu bokk ci ñi ñu jàpp teg ca matal sàrt yii:**



Àtte bi ci mbiri delloo mi ngi amee ci këru àttekaay bi di Këru àttekaayu doxandeem yi ca Varick Street (Varick St. Immigration Court). Bu àtte bi di amee ci këru àttekaay New Jersey nit ki dafa wara dëkk ci New York;



Nit ki ñu jàpp amul ab awokaa;



Déglu bu njëkk bi la ci àtte bi ci këru àttekaayu doxandeem yi; te



Payooru waa-kër gi weesu wul 200% ci Tektali Ndool yu Réew yu booloo yu Amerig tëral.

Joxe ab awokaa mën na am ci lu gaaw su bésu déglu bu njëkk bi weesoo.



Ñenn ñi mën nañu baña am ab awokaa ci porogaraam biile.

Bàyyil xel ni porogaraam bi dafay jox awokaa nit ñi nekk ci àtte doxandeem yuy xaarandi ci kanamu àttekato doxandeem ca këru àttekaayu doxandeem. Du ñu wutal nit ñi ñuy waja delloo wala nit ñi nekkul ci àtte buy xaarandi ku leen teewal.



1-800-354-0365

Dale ko Altine ba Àjjuma, juróom ñeent waxtu ci suba ba juróom benn waxtu ci ngoon

Firi làkk jàppandina ci làkk wi nga taamu.

Bu dee sa xarit wala sa waa-kër jëlu ñu leen ci NYIFUP, mën nga woo waa **buumu jokkoo MOIA Doxandeem biy jàppale doxandeem yi ci wàllu yoon** ngir xibaar ak ndimbal ci wàllu yoon.

Bu dee sa xarit wala sa waa-kër dañu mësà jukkoo ak ñiy ligeey ci wàllu doxandeem ci Réew yu Booloo yu Amerig ba noppi ñu santaane ñu delloo leen, wala ñu génnee leen New York wala New Jersey, gisal ab awokaa ci saasi.

Bu lenn ci yii xewee, mën na am sa xarit wala sa waa-kër ñu ngi leen di waaje delloo ci lu gaaw te soxla nañu taxawu doxandeem bu gaaw ci wàllu yoon. Dafay am solo lool ñu yore bépp kayit bu jëm ci bépp toppatoo kayitu doxandeem bu jiitu bu ñu mënnoona am.



**Naka la ñu
mëna xamee
bésu àtte bu
njëkk bi?**






1-800-898-7180

Mën nga xam kañ ak fan la bésu àtte bi di amee boo wootee ci buumu jokkoo bu waa doxandeem bilay xibaar.

Nekk na tëralinu xibaar booy am ci saasi. Nekkul nit mooy wuyu woote bi. Tëralin bi rekk mooy joxe xibaar ci Angale wala ci Español.





**Ñu bàyyi ci xel: Bu dee
dañu feeñ ci tëralin bi
te amuñu bésu àtte**



**Bësal 3 ngir xool ndax
am na dogal yu yàgg.**

Bu dee dafa wax ni ab keru àttekaay “santaane na ñu delloo leen” (ordered removal) loolu dafay tekki ne sa xarit wala sa waa-kër kenn du leen dégluwaat.



Mën nga itam xool ci enternet bi leerali xibaari këru àttekaay bi jaare ko ci sit bi boo bindee nimeru A bi, jàppandina ci Angale ak Español.

<https://acis.eoir.justice.gov/en/>

**Ba kañ lañu
leen di téyé?**



Nekk na laaj bu jafe tontu te mu ngi aju ci yenn xeetu tolluwaay yi rek. Dina ñu téyé sa xarit wala sa waa kër ba seen àtte jeex wala ba kerook àttekat bi laaj leen kosyoŋ.



Du ñépp ñooy am wërsëgu kosyoŋ. Ci déglu bi ci mbiri kosyoŋ, àttekatu doxandeem yi dafay jël dogal ndax nit ki mën nañu ko bàyyi mu joge ci barab bi ñuy téyé doxandeem yi ci bu (moom wala nit ku mu xam ku mu wóolu) mënee fey kosyoŋ bi.



Ab kosyoŋ doxandeem (immigration bond) mooy ab payoor bu jëm ci nguuru Réew yu booloo yu Amerig ngir ñu bàyyi ki ñu jàpp te mu dige ni dina def wareef yépp yi tax ñu bàyyi ko, te mën na ëmb ay wareef yu joge ci àttekat bi te aju ci seen àtte doxandeem biy xaarandi.

Mën na am yeneeni pexe ngir jàmmarloo ak seen jàpp, bu dee sax nguur gi jàpp na ne sa xarit bi wala sa waa-kër bi mënul am ab déglu ngir kosyoŋ. Loolu dina laaj xoolaat bu baax seen àtte ak ab awokaa bu yàgg ci ligéey bi.

Ndimbal ci wàllu Kosyoŋ

Bu dee nangu nañu laaj kosyoŋ, te mënuloo ko fey, mën nañu la nangul kosyoŋ (ab pàcc wala lépp) bu joge ci mbootaay yiy ndimbale doxandeem yi ak seeniy xarit wala seeniy waa-kër ci mbiri kosyoŋ. Bokk na ci li yenn juntuukaay yi ëmb:

The Envision Freedom Fund



Yërël seen sit ngir xam ndax dañuy nangu ay kosyoŋ:
<https://envisionfreedom.org/get-support/#reach-out>

The Black Immigrants Bail Fund



Bind leen bataaxalu enternet ci
blackimmigrantbailfund@gmail.com



Bindal seen kayitu laaj bi nekk ci seen sit:
<https://www.blackimmigrantsbailfund.com/>

The LGBTQ Freedom Fund



Bind leen bataaxalu enternet ci info@lgbtqfund.org,



Yërël seen sit <https://www.lgbtqfund.org/>



Wooteel ci 786-233-8969

**Laneen lan
laa wara
def léegi?**





Bu fekkee ni yaw wala keneen dafa nekk seede ci bi ñuy jàpp ab doxandeem, **da ngeen wara bind lepp lu xew bi ñuy jàpp sa xarit bi wala sa waa-kër bi ak bi ñu leen di teeye.**



Bindal lepp lu mëna leeral loo mëna fàttaliku **te nga dajale bepp firnde boo am ci ay yëf wala ay nataal.**

Ñu bàyyi ci xel:

www.nyc.gov/knowyourrights

Ngir xibaar yi gëna yees,



- Tiimaleel sa kamera telefon bi kot QR bi ci suuf te nga téye ko ay saa yu néew.
- Bësal ci mbind miy yëglé tey feeñ ngir mëna jot ci xibaar yi.

